

801 dignis, tam clarae dignitatis et tam probatae fidei concessit^a amicitiam et, quod raro
 post Apr. 4. inter consanguineas personas inveniri^b poterit, in peregrinis hominibus^c repperire
 perdonavit, quamvis quantum ad christianae fidei societatem nullus dici debeat pere-
 grinus; quantum vero ad saeculi exilium omnes peregrini sumus, dicente psalmista:
 Ps. 119, 5. 'Heu mihi, quia peregrinatio mea prolongata est'. Exilium est habitatio huius vitae,
 ib. 83, 5. quae cogit nos ad patriam properare, de qua dicitur: 'Beati, qui habitant in domo
 tua, Domine; in saeculum saeculi laudabunt te'. Felix est, qui de labore ad requiem
 perveniet, in qua sine omni perturbatione animi vel corporis vivet in eternum.

Placido animo vestrae pietatis suscepimus eulogias¹; devoto deprecantes animo
 Dei clementiam longa prosperitate vos feliciter in hoc saeculo vivere et ad aeternam
 beatitudinem post huius labores^d vitae pervenire.

Candidus noster de Roma² reversus est, omnia prospera inde referens de domino
 meo David et omnibus fidelibus suis. Filiolos nostros³ remansisse cum Pippino⁴ dixit.
 Apostolicum⁵ suos superare adversarios referebat et in magna esse gratia cum domino
 imperatore.

Tractatus, quos rogastis, direximus; deprecantes, ut quantotius scribantur et
 remittantur, quia nobis valde necessarii sunt propter legentium utilitatem. Quos dom-
 nus Baeda, magister noster⁶, sermone simplici sed sensu subtili composuit. Ideo eius
 opuscula vobis dirigere curavimus, quia eius maxime dicta vos desiderare intelleximus.

De mea vero sanitate⁷ scito, quod partim febris recessit, partim remansit. Ad
 castigandum permanet; sed minus meritis meis pepercit mihi pietas divina quam ad^e
 intercessionem sanctorum suorum. Sed adhuc restat maximus timor de iudicio Dei,
 quod^f nullus effugere valet. Tantum castiget nos pia miseratione perpetui patris
 ib. 21, 21. bonitas, et non tradat nos in manus inimicorum nostrorum. Cui saepius dicam: 'Erue
 ib. 114, 4. 5. a framea animam meam et de manu canis unicam meam'; item: 'O Domine, libera
 ib. 102, 1. animam meam, misericors et miserator dominus'; ut fieri possit, quod dicitur: 'Benedic,
 ib. 145, 2. anima mea, Dominum'; atque iterum: 'Lauda, anima mea, Dominum'; 'sit nomen
 ib. 112, 2. Domini benedictum ex hoc nunc et usque in saeculum'.

Perpetua benedictione divina vos gratia coronare dignetur, dilectissimae in
 Domino dominae.

217.

*Alcvinus Carolo, Caroli imperatoris filio natu maiori, regi facto gratulatur. Addit
 admonitiones.*

801 post Apr. 4.

Cod. H fol. 47'—48'.

Edd. F 178, J 162. — Migne col. 353.

VIRO INLUSTRI ET OMNI^a HONORE NOMINANDO CARLO REGI IUVENI^s ET INCLITO
 ALBINUS SALUTEM.

Audivi [per^b] domnum apostolicum⁹ regium nomen, domino excellentissimo David
 consentiente, cum corona regiae dignitatis vobis inpositum¹⁰. Unde gaudens gaudeo

^a) n̄ cessit H. ^b) invenire H. ^c) nominibus H. ^d) laboris H. ^e) quam ad scripsit J. pro
 et H. ^f) quem H.

217. ^a) homni H. ^b) per addidit J.

1) munera. 2) quo ierat exeunte fere anno 800; v. ep. 211 supra p. 351 n. 3. Candidum
 Romam abeuntem Alcvinus carmine prosecutus erat; cf. Poet. Carol. I, 256. 3) Cf. p. 362 infra:
 Quia sollicitus sum valde de filiis meis. 4) rege Italiae, fines Beneventanorum iterum petituro.
 5) Leonem III papam. 6) Cf. Alcvinus versus (Poet. Car. I, 294): Baeda magister | . . . nostrae cathe- 45
 gita terrae; (II, 665): nostri didascalus aevi. 7) Vehementi febre post pascha (post d. 4. Apr. 801)
 debilitata; v. p. 362 n. 8 infra. 8) De eodem cf. Alcvinus Carmen XIV (Poet. Carol. I, 237).
 9) Leonem III. 10) Die 15. Aprilis 781. Romae ab Hadriano papa filios Caroli I regis Pippinum